



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

15 Gregorius XIV. super abducendis, vel extrahendis delinquentibus ab
Ecclesia indulta aliàs concessa reduxit, & moderatus fuit.

urn:nbn:de:hbz:466:1-10316

causas, ubi de sanguinis effusione, & corporali poena agitur, in ecclesiis, vel cœmeteriis agitare non possunt, sub excommunicationis poena, quia absurdum est, & crudele ibi judicium sanguinis exercere, ubi est tutela refugii constituta, cap. cūm ecclesia, de immunit. eccles.

Propter reverentiam loci in ecclesia causa seculares tractari non possunt, c. 1. eod. tit. in 6. gloss. in d. cap. cūm ecclesia, & d. cap. decet, vers. cessent in ecclesiis, eod. titul. in 6.

10 † Unde processus judicum secularium, ac specialiter prolatæ sententiæ in ecclesiis, & cœmeteriis sunt ipso jure nullæ, d. cap. decet, §. ordinarii, vers. & nihilominus, & Abb. in d. cap. cūm ecclesia, num. 2. & num. 8.

Quiverò timorem Dei, vel reverentiam sanctorum ecclesiarum non habet, & fugientem servum proprium, vel, quem ipse perlecutus fuerit, † de atrio ecclesiæ, vel de porticibus ecclesiæ, aut illis quolibet modo adhærentem per vim abstraxerit, publica poenitentia judicio Episcopi est mulctandus, cap. si quis contumax, 16. quest. 4. & parietibus ecclesiarum, & aliorum locorum immunium adhærentes, † eodem privilegio gaudent, ut ibi gloss. in ver. adherentibus, & ecclesiæ immunitatem violantes, per vim aliquem de ecclesia rapientes, excommunicari, & condemnari pecunialiter, ac ipsis publice poenitentia imponi debet, † nec communioni sunt restituendi, nisi restituto eo, quem de ecclesia violenter extraxerunt, cap. miror, & cap. frater, d. quest. 4. Abb. in cap. inter alta, num. 26. & in cap. ecclesia, num. 11. de immunit. Eccles.

Reos criminis ad ecclesiam confugient, & nemo abstrahere; neque inde dannare debet ad poenam, vel ad mortem, ut honor ecclesiarum conservetur, sed ecclesiarum rectores pacem eorum, & vitam ac membra studere debent obtinere, & legitimè componere, quod rei inique fecerunt, cap. reum, ead. quest. 4.

Qæritur, † an palatum Episcopi academ gaudeat immunitate, & post Innoc. in cap. inter. versiculo item idem, de immunit. Eccles. tenet Abb. quod sic, etiam quod palatum Episcopi sit extra 40. passus, in d. cap. Ecclesia, num. 9, vers. tu verò vide, eod. tit. per gloss. 1. in cap. id constituimus, 17. quest. 4. & est communis opinio, de qua testatur Covarr. d. cap. 20. num. 5. vers. quinto insertur, lib. 2. var. resolut. quem, & alios plures citat. Borrel. cent. 1. Conf. 2: num. 23. verum quia Pius Papa V. & Sixtus etiam V. sancto zelo ducti, diversas facultates, & indulcta extrahendi etiam in casibus quibusdam à jure non permisiss, ab Ecclesiis criminosos, & delinquentes quam pluribus sacerdotibus Principibus, eorumque cuiusvis, & magistratibus sub variis modis, & formis concederant, experientia postmodum docuit, magistratus illa diversimoda etiam latius, quam par erat, & ad suum libitum interpretandi occasionem arripuisse, illisque abuti cœpisse, & ideo subortum fuisse non mediocre in aliquibus locis libertatis, & immunitatis Ecclesiasticæ præjudicium locorum, & personarum divino cultui dicatarum contemptum, & divinæ majestatis offensam, ac scandalum plurimorum. Quapropter Gregorius Papa XIV. ut prædictis abusibus, & scandalis obviaret, sua perpetuæ

valitura constitutione, † omnia, & quæcunque



cunque privilegia , & indulta , & gratias per quoscunque Romanos Pontifices prædecessores suos , & ipsummet , ac Sedem Apostolicam , ejusque Legatos super abducendis , vel extrahendis ab Ecclesiis , monasteriis , facellis , domibus secularibus , & regularibus , locisve sacris , ut religiosis , aliasque in casibus à jure permisiss , hominibus certorum tunc expressorum , vel non expressorum criminiū reis , aut fraudulentis decoctōribus , etiam in odium certorum delictorum , & pro bono pacis , & quiete publica , & ex causis urgentissimis , ac necessariis , & æquipollentibus casibus in iure expressis , atque ex paritate , identitate , aut majoritate rationis extensis , perpetuò , vel ad certum nondum elapsum tempus , seu ad vitam alicuius Principis , aut beneplacitum , seu aliás quomodo libet concessa , etiam iteratis , aut multiplicatis vicibus approbata , & innovata , ac usū recepta , litterasque Apostolicas sub plumbo , aut in forma Brevis , seu alias quomodo cunque desuper confectas , quarum tenores haberi voluit pro expressis , ac ad verbum insertis , ita reduxit , & moderatus fuit , ut laicis ad 16 ecclesiis , † locaque sacra , & religiosa prædicta configuentibus , si fuerint publici latrones , viarumque grassatores , qui itinera frequentata publicas stratas obsident , ac viatores ex infidiis aggrediuntur , aut depopulatores agrorum , quive homicidia , & mutilationes membrorum in ipsis ecclesiis , earumve cœmeteriis committere non verentur , aut , qui proditoriè proximum suum occiderit , aut assassinii , vel hæresis , aut læzæ majestatis in personam ipsiusmet Principis rei , immu-

titas ecclesiastica non suffrageretur , sed universis Prælatis , tam secularibus , quam cujusvis ordinis regularibus mandavit , & præcepit , ut laicos in casibus præmissis delinquentes , ad eorum ecclesiis , monasteria , domos , & alia loca supradicta sacra , seu religiosa respective configentes , & in eis se recipientes , atque morantes , qui prædicta delicta , eorumve aliquod judicio suo commississ videbantur , quando à curia seculari fuerint requisiti , ministris , & officialibus curiae secularis absque irregularitatis nota , aut alicujus censuræ ecclesiastice incursum tradi , & consignari faciant . Sed , ne curia secularis , illiusque ministri , facultate illos per se , & propria auctoritate extrahendi , & abducendi sibi olim attributa , & per eundem Gregorium , ut supra revocata abutantur , voluit , & auctoritate Apostolica decrevit , & declaravit , ut curia secularis , ejusque judices , & officiales ab ecclesiis , monasteriis , locisque sacris prædictis laicium aliquem , ut præfertur , delinquentem , in nullo ex casibus supradictis capere , extrahere , aut incarcерare possint sine expressa licentia Episcopi , † vel ejus officialis , & cum interventu personæ ecclesiasticæ ab eo auctoritatem habentis , ad quos solos , & non alios Episcopis inferiores , etiam si aliás Ordinarii sint , aut nullius diœcesis , aut conservatores à fede Apostolica specialiter , vel generaliter deputati prædictam licentiam dandi facultas pertineat .

Occurrente autem casu in loco exemplo , & nullius diœcesis , tunc ad Episcopum vicinorem hæc cognitio , & non ad alios devolvitur . Casu autem quo Episco-